

**ԳԻՏԱԿԱՆ ԵՍՏԱՇՐՋԱՆՆ ԵՎ ԻՐԱՎԱՍ ԸՆԴՈՒՄ ԸՆԴՈՒՄ ՊԵՏԱԿԱՆՈՒԹՅԱՆ
ՎԵՐԱԿԱՆԳՆՄԱՆ ԸՄՐՑՅՈՒՆ**

Ս/Ք մայիսի 26-ին ՀեՍՀ ԳԱ մեծ դահլիճում տեղի ունեցավ դիտական նստաշրջան՝ նվիրված հայ պետականության վերականգնման հարցերին: Այն կազմակերպել էին ՀեՍՀ գիտությունների ակադեմիան, ԽՄԿԿ Կենտկոմին առընթեր մարքսիզմ-լենինիզմի ինստիտուտի մասնաճյուղ՝ ՀԿԿ Կենտկոմի կուսակցության պատմության ինստիտուտը և Երևանի պետական համալսարանը:

Նստաշրջանը ներածական խոսքով բացեց ՀեՍՀ ԳԱ փոխպրեզիդենտ, ակադեմիկոս Գ. Խ. Սարգսյանը: Նա մասնավորապես նկատեց, որ 1918 թ. հայ պետականության վերականգնման պատմական պրոբլեմի կապակցությամբ առաջանում է հայ պետականության պատմության ամբողջ կտրվածքով լուսարանման, մեր պետականության ծագման, դարգացման ու հարատևման խնդիրը, որը վերջերս շոշափել է ՀԿԿ Կենտկոմի առաջին քարտուղար Ս. Գ. Հարությունյանը: Այդ թեմայի շուրջ գրվել են բազմաթիվ հետազոտություններ, բայց կյանքը նորանոր խնդիրներ է առաջադրում: Դրանք առավել շոշափելի են դառնում այն կապակցությամբ, որ 1918 թ. հայ պետականության վերականգնման խնդրի օբյեկտիվ-գիտական հետազոտությունը տարիներ շարունակ արգելակվում էր: Եթե հայ պատմաբանները հավատարմության նշան էին դնում Հայաստանի հանրապետության և դաշնակցական կուսակցության միջև, ապա դրան նախորդած շրջաններին՝ հին և միջնադարյան հայ պետականությունը խեղաթյուրման ու նենգափոխման ասպարեզ են դարձրել թուրք պատմաբանները: Վերջում նա նկատեց, որ Հայաստանի հանրապետության և դաշնակցական կուսակցության փոխառնությունների իրական-պատմական պատկերի վերհանումը կարևորագույն խնդիր է և որ հայկական պետականության վերականգնման ու ևռագույն դրոշակի հարցը հսկայական նշանակություն ունի նաև սփյուռքահայության համար:

Նստաշրջանում «Անդրկովկասը 1918 թ. առաջին կեսին. Սեյմի փլուզումը և հայկական պետականության վերականգնումը» ղեկուցմամբ հանդես եկավ ՀեՍՀ ԳԱ թղթակից անդամ Հ. Ա. Ավետիսյանը: Անդրադառնալով Հոկտեմբերյան սոցիալիստական մեծ հեղափոխությունից հետո երկրամասում ստեղծված սոցիալ-

քաղաքական իրադրությունը, նա կանգ առավ Խորհրդային Ռուսաստանի Ժողովուրդների 1917 թ. դեկտեմբերի 29-ի «Թուրքահայաստանի մասին» ղեկերտի դրույթների վրա, որով Խորհրդային կառավարությունը ճանաչեց Թուրքահայաստանի հայերի ազատ ինքնորոշման իրավունքը, ընդհուպ մինչև լիակատար անկախություն: Սակայն այդ փաստաթղթի իրականացումը թուրքերի Անդրկովկաս ներխուժելու հետևանքով խափանվեց: Թուրքիայի հայաչինջ ծրագրի իրագործումը խափանեցին Սարգսյանի հերոսամարտերը: Դրանցում հայ ժողովրդի տարած փայլուն հաղթանակները հայ պետականության վերականգնման համար անհրաժեշտ պայմաններ ստեղծեցին:

Մենչևիկների պահանջով 1918 թ. մայիսի 26-ին Սեյմի ցրվելուց հետո Վրաստանն ու Ադրբեյջանը հռչակվեցին անկախ հանրապետություններ և իրադրությունը, սաաց ղեկուցողը, հայ ժողովրդին կանգնեցրեց սևփական ազգային պետականության վերստեղծման անհրաժեշտության առաջ: Մայիսի 28-ին Հայոց ազգային խորհուրդը, նկատի ունենալով Սեյմի ցրման փաստը, որոշեց, որ «Ժամանակավորապես իր վրա է վերցնում կառավարման ֆունկցիաները հայկական զավառների նկատմամբ»:

Պատմական գիտությունների դոկտոր Լ. Ա. ՆՈՒՐԶԱՆՅԱՆԻ ղեկուցումը նվիրված էր 1918—1920 թթ. հայ պետականության գնահատությանը: Նա նշեց, որ անհատի պաշտամունքի տարիներին պատմագիտության բնագավառում ստեղծված վիճակը Խորհրդահայ պատմաբաններին հնարավորություն չէր տալիս անդրադառնալու այդ և մյուս հարցերին ու բացահայտելու պատմական ճշմարտությունը: Կուսակցության XX համագումարից հետո հայ պատմաբաններն անառարկելի նյութերի հիման վրա ապացուցեցին, որ 1918 թ. մայիսյան հերոսամարտերը պատկանում են ոչ թե դաշնակցությանը, այլ ամբողջ հայ ժողովրդին՝ իր բոլոր դասակարգերով ու քաղաքական կուսակցություններով: Զեկուցողը եղբակցերեց, որ պատմական իրադարձությունների օբյեկտիվ դարգացումը և հայ ժողովրդի հերոսական յայտքարը հանդիպելիս հայ պետականության վերստեղծմանը:

ՀԽՍՀ ԳԱ թղթակից անդամ Հ. Ռ. Սիմոնյանն իր զեկուցման մեջ անդրադարձավ Զանգեզուրի 1918—1921 թթ. գոյամարտին: Իր գոյության երկուսուկես տարիների ընթացքում, ասաց ղեկուցողը, Հայաստանի հանրապետությունը ստիպված էր անընդհատ ուղղակի ընդհարումների մեջ մտնել մուսավաթական զինված բանդաների և կանոնավոր զորքերի հետ: Դրա պատճառն այն էր, որ մուսավաթականները բացառապես պահանջներ էին ներկայացնում Հայաստանի զգալի տարածքների, այդ թվում Զանգեզուրի նկատմամբ: Սակայն լեռնաշխարհի հայությունը ոտքի ելավ պաշտպանելու իր հողը: Երբ 1919 թ. մուսավաթական կառավարությունը ձեռնարկեց Զանգեզուրը ծրնկի բերելու գործը, թշնամու ճանապարհը փակեցին այնտեղ տեղաբաշխված փոքրաթիվ հայկական կանոնավոր զորամասերը և աշխատավորական, հիմնականում գյուղացիական շրջանները: Պաշտպանական այդ մարտերում նրանք չախչախեցին մուսավաթական կանոնավոր բանակը: Զեկուցողն այնուհետև կանգ առավ 1920—1921 թթ. Զանգեզուրում տեղի ունեցած հերոսամարտերի վրա:

Պատմական գիտությունների թեկնածու Ռ. Լ. Խուրշադյանը հանդես եկավ «Հայաստանի հանրապետության խորհրդարանը և քաղաքական կուսակցությունները զեկուցմամբ: Նա նկատեց, որ Հայաստանի հանրապետության պառլամենտական սկզբնավորման փուլն ընթանում էր բուրժուական դեմոկրատիզմի ընդհանուր հունով: Հայաստանի հանրապետությանը բնորոշ էին բոլոր այն օրինաչափությունները, որոնցով օժտված էին բուրժուադեմոկրատական երկրները: Գոյություն ունեին ռեալ գործող պառլամենտ, կառավարություն, իշխող կուսակցություն և ընդդիմադիր կուսակցություններ, որոնցից յուրաքանչյուրն ուներ իր պառլամենտական տակտիկան: Զեկուցողի բնութագրմամբ Հայաստանի հանրապետությունը բուրժուադեմոկրատիկական պառլամենտական պետություն էր: Այն հայ ժողովրդի պատմական ճակատագրում օրինաչափ և անհրաժեշտ փուլ էր:

ՀԽՍՀ ԳԱ ակադեմիկոս Գ. Բ. Ղաբիրջանյանը խոսեց Անդրանիկ Օղանյանի զխավորած Հայկական առանձին հարվածող զորամասի 1918—1919 թթ. մարտական գործողությունների մասին: Այդ զորամասը կազմակերպվեց 1918 թ. ապրիլի 10-ին Ալեքսանդրապոլում, երբ թուրքական զորքերը հարձակման անցնելով շարժվում էին դեպի Բաքու, իրականացնելու Խորհրդային Ռուսաստանի դեմ ուղղված իրենց պանթուրքական ծրագրերը: Զեկուցողն այնուհետև անդրադարձավ թուրքական զորքերի դեմ Անդրանիկի զխավորած զորամասի

մարտական գործողություններին և ներկայացրեց այն ջանքերը, որ Անդրանիկը ներգրեց Բաքվի կոմունային օգնելու և Զանգեզուրը թուրքական զորքերի ու մուսավաթական բանդաների ոտնձգություններից պաշտպանելու գործում:

«Հայաստանի հանրապետությունը Խորհրդային Ռուսաստանի արտաքին քաղաքականության մեջ զեկուցմամբ հանդես եկավ պատմական գիտությունների թեկնածու Պ. Մ. Մայիլյանը: Նա նոր հայեցակետով դիտարկեց «Թուրքահայաստանի մասին» ղեկընտրելու, որ այն թեկնածու էր Խորհրդային Ռուսաստանի և գերմանական խմբավորման երկրների միջև ուղղակի գործողությունները զաղաթեցնելու, խաղաղության պայմանագիր ստորագրելու անհրաժեշտությունից: Քաղաքացիական կռիվների հետևանքով Խորհրդային Ռուսաստանի և Հայաստանի հանրապետության միջև ընդհատված կապերը վերականգնելու, դիվանագիտական հարաբերություններ հաստատելու համար Հայաստանի հանրապետության պատվիրակությունը Լ. Շանթի զխավորությամբ 1920 թ. ապրիլի վերջերին մեկնեց Մոսկվա: Չնայած բանակցությունների հաջող ընթացքին, պայմանագրի ստորագրումը ձգձգվեց և ի վերջո ձախողվեց: Զեկուցողն ասաց, որ դա հետևանք էր ոչ թե Հայաստանի պատվիրակության հակախորհրդային դիրքի, այլ Խորհրդային Ազգայնական հեղկոմի՝ Հայաստանի տարածքների (Զանգեզուր, Ղարաբաղ, Նախիջևնի, Շարուր-Դարալագյազ) նկատմամբ ունեցած անչափ մեծ հավակնության և թշնամական վերաբերմունքի: Չնայած 1920 թ. օգոստոսի 20-ի համաձայնագրին, կարմիր բանակի և Հայաստանի հանրապետության զորքերի միջև ուղղակի գործողությունները շարունակվեցին: Օգտվելով պատեհությունից, Խորհրդային Ազգայնական հեղկոմը և քեմալական թուրքիան կարողացան ղավթել Հայաստանի հանրապետության տարածքի մեծ մասը:

Պատմական գիտությունների դոկտոր Խ. Հ. Բաբսեդյանի հաղորդումը նվիրված էր Կ. Թումանյանի «Հայաստանի հանրապետության դիվանագիտական պատմություն» գրքի ձեռագրին: Նա ասաց, որ ղեկն այն տարիներին Ալ. Մյասնիկյանն ու նրա համախոհները գտնում էին, որ Հայաստանի հանրապետությունը պատմական իրողություն է, բուրժուադեմոկրատական կառուցվածքով սուվերեն մի պետություն, որը դիվանագիտական լայն ճանաչում էր ստացել և հանդես էր գալիս հայկական հարցի լուծման օգտին: Հայաստանի հանրապետությունը մի պետական կառույց էր՝ վարչական մարմիններով, լուսավորական հաստատություններով, բազմակուսակցական պառ-

յամենտական համակարգով, զորքով ու մի-
լիցիայով:

«Հայաստանի սահմանների հարցը 1920 թ.
ամռան հայ-խորհրդային և խորհրդա-թուր-
քական բանակցություններում» զեկուցման մեջ
պատմական գիտությունների գոկտոր է. Ա. Ջոն-
բաբյանը նկատեց, որ տարածքային-սահմա-
նային հարցերը Մոսկվայի բանակցություննե-
րի ամենածանր պրոբլեմն էին: Եթե Հայաս-
տանի հանրապետությունը ձգտում էր տիրա-
նալ Թուրքահայաստանի գավառներին, ապա
քեմալականները պնդում էին Բաթումի պալ-
մանագրով գծված սահմանների վրա: Գ. Զի-
չերինը, ձգտելով համաձայնության եզր գտնել
կողմերի միջև, առաջ քաշեց ազգագրական
սահմանի սկզբունքը՝ առաջարկելով փոխադարձ
վերաքննակցում կատարել, որպեսզի երկու
կողմից ստեղծվի միատեսակ ազգագրական
տարածք: Ընդդեմ է, սա արդեն նահանջ էր
թուրքահայաստանի մասին խորհրդային կա-
ռավարության հայտնի դեկրետի սկզբունքնե-
րից, բայց Լ. Շանթի գլխավորած պատվիրա-
կությունն ընդունեց այն: Ինչ վերաբերում է
թուրքական պատվիրակության ղեկավար Բե-
քիր Սամիին, ապա նա ոչ միայն լրնդունեց
Գ. Զիչերինի առաջարկը, այլև հրաժարվեց
հանդիպել Լ. Շանթի հետ՝ կողմերի կոնկրետ
պահանջները պարզելու համար: Բեքիր Սամին
համառոտն պնդում էր Հայաստանի վրա ար-
ջավելու իրենց ծրագրի վրա՝ այն պատճառա-
րանելով կարմիր բանակի և Ադրբեյջանի հետ
կապ ստեղծելու անհրաժեշտությունը: Զուտա-
նալով Գ. Զիչերինի համաձայնությունը, նա
որոշեց այդ հարցով անմիջապես դիմել Վ. Ի.
Լենինին: Անհաջողության մատնվելով ընդհա-
նուր արշավանքի հարցում, Բեքիր Սամին ձեռ-
տում էր համաձայնության հասնել (թեկուզ և
բանավոր) գրավելու Սարիղամիշը և Շահթահ-
թին, որով նախնջանի վրայով կապ կստեղծ-
վեր Ադրբեյջանի հետ: Կովկասում գտնվող Գ.
Օրջոնիկիձեի և Ս. Կիրովի հետ հարցի հեռա-
գրական քննարկումից հետո Գ. Զիչերինը
թուրքական պատվիրակությանը դրական պա-
տասխան տվեց:

Պատմական գիտությունների թեկնածու
Գ. Գ. Մախմուդյանը հանդես եկավ «Հայաս-
տանի հանրապետությունը ամերիկյան պատ-
մագիտության մեջ» զեկուցմամբ: ԱՄՆ-ի
պատմագիտությունը, նշեց նա, իր տրամադրու-
թյան տակ ունի 1918—1920 թթ. Հայաստա-
նի հանրապետության պատմության տարբեր
տեսանկյունները լուսարանող արժեքավոր աշ-
խատություններ: Դրանցից հատուկ ուշադրու-
թյան է արժանի Ռ. Հովհաննիսյանի «Հայաս-
տանի հանրապետություն» երկհատոր աշխա-
տությունը (Բերքի ու Լոս Անջելես, 1971 և

1982 թթ.): Հեղինակն այնտեղ մանրամասն
հետազոտել է Հայաստանի հանրապետության
ներքին քաղաքականությունն ու պետական շի-
նարարությունը, վերլուծել կառավարության ու
խորհրդարանի գործունեությունը, նշել է պե-
տության բուրժուադեմոկրատական բնույթն ու
պառլամենտի բազմակուսակցական կազմը:
Խորհրդային հասարակագիտության վերակա-
ռուցման ու հայ ժողովրդի կենսական բոլոր
ուժերի համախմբման պայմաններում, եզրա-
կացրեց զեկուցողը, ամենատարբեր ըմբռնու-
մների անկանխակալ ու փաստարկված քննու-
թյունը թույլ կտա խորհրդային Հայաստանի
պատմագիտության մեջ արտացոլել միջազգա-
յին հայագիտական մտքի առավել արժեքավոր
նվաճումները:

Պատմական գիտությունների դոկտոր
Ն. Ն. Կարապետյանի զեկուցումը նվիրված էր
Հայաստանի հանրապետության մամուլի բնու-
թագրությանն ու վերլուծությանը: Նա ասաց,
որ Հայաստանի հանրապետության գոյության
ժամանակաշրջանում միայն Երևան ու Ալեքսան-
դրապոլ քաղաքներում լույս է տեսել ավելի
քան երեսուն անուն թերթ: Հանրապետությու-
նում գործած պառլամենտի անդամ և ոչ անդամ
բոլոր կուսակցություններն էլ ունեցել են իրենց
մամուլի օրգանները՝ քաղաքական կոնկրետ
դիրքորոշմամբ: Ցավոք, նշեց զեկուցողը, մա-
մուլի այդ օրգանների մեծ մասն անցյալում
չի օգտագործվել, մինչև անգամ չի հիշատակ-
վել պատմաբանների նույնիսկ այն աշխատու-
թյուններում, որոնք վերաբերվել են հանրապե-
տության ծագման ու զարգացման ժամանա-
կաշրջանի պատմական պրոբլեմներին: Մինչ-
դեռ, դրանք տվյալ պատմական ժամանակա-
հատվածի դեպքերի ու իրադարձությունների
օբյեկտիվ օրագրեր են, որոնք կարող էին ճշ-
մարտության, սկզբնաղբյուրի անգնահատելի
դեր խաղալ: Զեկուցողն իբրև օրինակ վկայա-
կույնց «Կառավարության լրաբեր» թերթը: Ա-
պա քննադատաբար վերլուծելով մամուլի նյու-
թերը, Ն. Ն. Կարապետյանը հանգեց այն եզ-
րակացության, որ Հայաստանի հանրապետու-
թյունը յուրատեսակ ազգային բուրժուական դե-
մոկրատիայի պետություն էր:

Այնուհետև զեկուցողները պատասխանեցին
ունկնդիրների բազմաթիվ հարցերին:

Գիտական նստաշրջանը որոշում ընդունեց
ԶԿԿ Կենտկոմին ներկայացնել առաջարկու-
թյուն՝ 1918 թ. մայիսի 28-ը հայ ժողովրդի
պետականության վերականգնման օր և եռա-
գույն դրոշակը՝ որպես ազգային խորհրդանիշ
ճանաչելու մասին:

Նստաշրջանին մասնակցում էր ԶԿԿ Կենտ-
կոմի գաղափարախոսական բաժնի վարիչ Գ.
Ն. Ասատրյանը: